

Headline	PM Felo Kehormat Akademi Sains Malaysia		
MediaTitle	Utusan Malaysia		
Date	23 Jun 2014	Color	Full Color
Section	Supplement	Circulation	178,211
Page No	9	Readership	534,633
Language	Malay	ArticleSize	264 cm ²
Journalist	N/A	AdValue	RM 5,266
Frequency	Daily	PR Value	RM 15,798



PM Felo Kehormat Akademi Sains Malaysia

PERDANA Menteri Datuk Seri Najib Tun Razak dilantik sebagai felo kehormat Akademi Sains Malaysia (ASM) kerana sokongan kuat beliau ke arah memajukan sains dan teknologi.

Dalam satu kenyataan, ASM berkata sains dan teknologi menjadi tonggak program transformasi ekonomi negara.

Menurut kenyataan itu, 21 orang diumumkan sebagai felo baharu pada mesyuarat agung tahunan ke-19 ASM baru-baru ini.

Katanya, mereka termasuk bekas Ketua Pengarah Jabatan Meteorologi Malaysia, Datuk Dr. Yap Kok Seng, Ketua Pengarah Institut Penyelidikan Perhutanan Malaysia (FRIM), Datuk Dr. Abd. Latif Mohmod dan Naib Canselor Universiti Teknologi Petronas, Datuk Ir. Abdul Rahim Hashim.

Tokoh lain ialah Prof. Dr. Agamutu Pariatamby daripada Universiti Malaya, Prof. Dr. Jinap Selamat, Prof. Dr. Shamshuddin Jusop dan Prof. Dr. Tan Soon Guan dari Universiti Putra Malaysia.

“Mereka dipilih sebagai felo kerana sumbangan cemerlang masing-masing dalam bidang biologi, sains pertanian dan alam sekitar di negara ini,” kata kenyataan itu.

Sementara itu, Prof. Dr. Abdul Rahman Mohamed, Prof. Datuk Dr. Abdul Wahab Mohammad, Prof. Datuk Dr. Badhrulhisham Abdul Aziz, Prof. Datuk Dr. Burhanuddin

Yeop Majlis dan Ir. Lalchand Gulabrai pula dilantik kerana sumbangan mereka dalam bidang kejuruteraan dan sains komputer.

Prof. Dr. Jamunarani S Vadivelu, Prof. Datuk Dr. Rohana Yusof, Dr. Teo Soo Hwang dan Prof. Dr. Wan Azman Wan Ahmad pula diberi pengiktirafan kerana sumbangan dalam bidang sains perubatan dan kesihatan.

Kata kenyataan itu lagi, mereka yang juga dilantik sebagai felo baharu ASM ialah Prof. Dr. Mohd. Yusof Othman dan Prof. Dr. Ng Kwan Hoong kerana sumbangan mereka dalam bidang matematik, fizik dan sains tanah.

Prof. Datuk Dr. Musa Ahmad dan Prof. Dr. Noorsaadah Abd. Rahman pula dilantik kerana sumbangan dalam disiplin sains kimia.

Seorang lagi felo iaitu Dr. Mohd. Yusoff Sulaiman dari Kumpulan Industri-Kerajaan Malaysia bagi Teknologi Tinggi (MIGHT) dilantik untuk mewakili industri.

Presiden ASM, Tan Sri Dr. Tajuddin Ali berkata, antara ciri menarik akademi itu ialah ia boleh digunakan dengan berkesan untuk membuat penilaian saintifik secara bebas.

“Seperti yang dipamerkan oleh rakan akademi kami di seluruh dunia, ada ketikanya, kerajaan memerlukan nasihat saintifik bebas tentang perkara berkaitan kepentingan negara,” katanya.

Headline	PM Felo Kehormat Akademi Sains Malaysia		
MediaTitle	Utusan Malaysia		
Date	23 Jun 2014	Color	Full Color
Section	Supplement	Circulation	178,211
Page No	9	Readership	534,633
Language	Malay	ArticleSize	264 cm ²
Journalist	N/A	AdValue	RM 5,266
Frequency	Daily	PR Value	RM 15,798

